



UNIVERSITÄTS-
BIBLIOTHEK
PADERBORN

**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

METRICA PARAPHRASIS.

INIVRIOSO quid pede profuit
 Calcasse Divum iura potentibus?
 Calumque sacratasque leges
 Sacrilegâ temerasse dextrâ
 Orbis toparchis? Quid Venerem & iocos
 Captasse, & ignei tela Cupidinis,
 Aut per voluptatum vireta
 Indomito volitasse collo,
 Si quando fati præda rapacibus,
 Vitaque & almi lumnis exules,
 Vulgi que consortes silentum
 Tenarias habitant cavernas?
 Quânto hac leonum sorte. beatior
 Vilis catellus, sanguine pauperum
 Cretus parentum, cui vigore
 Pleno animæ vegetantur artus?
 Quicumque vita munere vescitur,
 Necessitatis dum reputat vices
 Suprema, ineluctabilisque
 Tela videt cuneosque fati;
 Labentis eni precipites catus
 Dispensat horas, & scelerum abstinens,
 Heroicos virtutis actus
 Innocua monumenta vite
 Æternitati consecrat ætheris,
 Maior sepulchro. Hæc est sapientia
 Medulla prima, vim ferocis
 Consilio domuisse lethi.
 Hoc fonte vite manat amœnitas,
 Morumque candor, fama que postuma,

Et præmium æternitatis
 Siderei diadema ferti.
 Non illa sperant munera, Tanari
 Quos in cauernis horrida nox premis
 Non expiuros furorem
 Heu lacrymis petulantis aui.
 Neglecta serò præsidia occupat,
 Vitæ prioris qui palinodiam
 Post frigidas busti fauillas,
 Et cineres meditatur urnæ.
 Jam nec labori præmia postumo,
 Nec pulchra Marti restat adorea,
 Nec grata virtutem coronat
 Laurea post tumuli cupressos.
 In vota quamuis cor tibi ferueat,
 Frustraque nervos ruperis ingens;
 Obluionis cuncta vasto
 Merget Agonothetes profundo.
 Non ardor illis, quos tumulat sapor
 Fatalis, agro pectore concitos
 Frenare motus, aut furore
 Condere perdomito trophæa:
 Non prurientes Idalidis labor
 Vitare flammæ: non odium pio
 Vlcisci amore: non tumentes
 Inuidiæ superare fluctus.
 Pars nulla castis lumine traditur
 Orbis theatro: nil tribuit chorus,
 Nil mimus, aut orchestra vitæ,
 Nil Thymele, podiumque scenæ.